

اُردو سائنس

نومرو ۲۷

پنجشنبہ

۱۹ مارت ۱۳۲۴

ترک مجبور اولدی . فرانسر اردوسی ده پیره نه انکلیس نه طوغری چکلدی . دیگر طرفدن اوستریا ناپولیوندن نومید اولدیغندن جسم براردو ایله آلمانیا اور-
 تمسنه آتلیدی . اشیه بوقایع ایکی ایمپراطورک شرق حقننده کی تصوراتی هرج و مرج
 ایلدی . ناپولیون اسپانیولاردن بالذات اخذانتقام ایلمک وعینی زمانده اوستریا به
 حدینی بیلدیرمک استیور ایدی . بوکی مشکلا نه رغماً ناپولیون ، چاره ویردیکی
 سوزی طوتدی . ایکی ایمپراطور ایلول اواخرنده ارفورت Erfurt شهرنده
 یکدیگری نه ملاقی اولدیلر . رسم قبولاره ، رسم یکیدلره علاوه ایدیان تیاترولر
 ظاهرأ ایکی ایمپراطور آره سنده کی مودتک درجه نهاییه واصل اولدینی فکرینی
 ویرمکده ایسه ده حقیقت حالده ایکی ایمپراطورک یکدیگری نه امنیت . متقابلهری
 قالدینی رعنا اکلاشیلو ایدی . تورکیانک تقسیمی مسئله سی آتی به ترک ایلمک
 خصوصنده اتفاق ایلدیلر ایسه ده چار الکساندر بهمه حال ماده مستفید اولمق استیور .
 و بو خصوصده ناپولیونی تضییق ایدیور ایدی . ناپولیون ، چار ناچار ، افلاق
 و بغداد قطعهرینی الکساندره ترک ایدیور . و مقابلنده هیچ برشی الده ایده میور
 ایدی . فقط مشترکاً دولت عثمانیه به اعلان حرب ایدرک ده ازیاده تمتع تأمین
 چاره لرینی احضار ایتمشلر ایدی . ناپولیون بوقدر فدا کارلغه مقابل ، ژوزف
 یونایارطک رسماً طانمسی کیفیتله ، انکلتربه بالاتفاق حرب ایلمک و اوستریانک
 فرانسه به هجومی تقدیرنده کذا اوستریا به قارشو محاربه به کیریشمک خصوصنده
 وعد آلمق کی موفقیات موعوده به دسترس اوله بیلدی .

سعاد مختار

اوستریا و شرق

بالقان شبه جزیره سی ایشلرنده نه درجه حائز حکم و نفوذ اولدینی هنوز
 تمایله ازاله ایدیله مامش اولان بحران حاضر انساننده دخی برقاندها تعین ایدن
 اوستریا و مجارستان حکومتک آتیمی حقننده اورویا ارباب سیاستی ایله برابر
 سیاسیون عثمانیه جه دخی برطاقم افکار و ظنیات موجود اولوب بوافکار و ظنیات

سوقیله حکومت مذکوریه علی الاکثر ایمپراطور فرانسوا ژوزفک حیاتیله قائم
 بردولت جسیمه نظریله باقلمقده وایلیک تبدل سلطنت وقوعنده دکلسه بیله هر
 حالده قریب برآئیده مجارلرک اوستریادن آریله رق بستیون مستقل برحکومت
 تشکیل ایده جککریسه و اوستریا داخلنده متمکن المانلردن غیری اقوام وعناصرک
 برر بر اوستریانک زیر اداره سندن چیقمه چالشدق لریسه ویا چالیدسه جققلریسه
 حکم اولنقده در. احوال سیاسیة عالم ایله اشتغال ایدنلرک بالخله ممالک موجوده نک
 احوال داخلیه و خارجییه لایقیه واقف بولنلری لازمه دندر. هله کندی مملکت مزه
 مجاور اولان حکومتنرک وبالخاصه اوستریانک احوالنه وقوف تام پیدا ایتمه مز برقاندها
 درجه وجوده بولنسیله بوقومشومن حقنده شمیدی به دکین موجود نظریه لرک
 درجه صحت وعدم صحتی اکلایشلیق اوزره «رونه هازی» نام ذاتک تألیف کرده سی
 اولوب فرانسه آقاده میسنجه مظهر مکافات اولان اثرینک بعض مباحثی قارئلر مزک
 انظار تدقیق وتأمینه وضع ایتکی وجیهه دن عد ایلدک. مرور ایام واعصار ایله
 وقوعه کله بیله جک انقلابانک کافه سی تخمین وکشف ایتک بالطبع محال اولغله
 مؤلفک تدقیقات مدیده وعمیقیه مستند نظریاتی پک اوزاق براتی ایچون دخی
 حقیقت کی تلقی ایدلمسه بیله نظریات مذکوره نک شمیدیکی حالده اهمیتی وارسته
 اشتباهدر

مؤلف مومی الیه اوستریا و مجارستانده درت دفعه اجرای سیاحت، و المانیاده
 بالقانلرده، روسییه، اسویجریه، فلمنکده و انکلترده ایفای تدقیقات
 وتحقیقات ایلمش اولدینقی بعدالیمان اثرینی باشلوجه ایکی مبحثه آیریپور:
 تجزی نظریه سی، مقاسمه نظریه سی.
 بز بوکون ایلک نظریه عاند مسروداتی درج ایتمکه باشلاپورز.

۱

تجزی نظریه سی

دولت عثمانیه ایچون فصل برشرق مسئله سی موجود ایسه او یله بر «اوستریا

مسئله سی « موجود اولدینی ظننده بولنق الیوم اولدقجه موده حکمنه کچمشدر
برجوق ذوات «آوستریا خانداندن» بحث ایدر ایکن صانکه بر مختضردن بحث
اولونیورمش کبی بروضع ترحم آیلر .

«فرانسوا ژوزفک وفاتنده نه اوله جق؟» سؤالنک، بونی معنا، فقط خطا
آور سؤالک یوزلرجه دفعه ایرادینی ایشتمک ایچون ویانه ویایشته یه ، پراغه ،
قراقووی ویا زغره یه کیتمک کافیدر .

ایمپراطورک یتش اوچ یاشنده اولسنه ، الی بش سنه لک دوره حکومته
ویونجه فلاکتلره رغماً آلب طاعلرنده آلاندیغنی مانوره لرده کونلرجه بارکیر
صرتنده وقت کچردیکنی کورنلرده «فرانسوا ژوزف اداره اموردن بیزار اولوبده
ترک حکومت ایدر نه اوله جق؟ دیورلر نهایت آوستریا و مجارستان نه در؟ بو
مملکتی تشکیل ایدن قطعلر آرمسند نه کبی مناسبات وارد؟ بورلرده ساکن
ومتنوع اولدقلری قدر اکثریسی یکدیگرینه ضد بونجه اقوام بیننده کی روابط
اتحاد نه در؟

مختلف طرفلرک اکثریا مصادمه ایتلرینه باعث اوله جق کبی کورینن و بعضاً
شدتله مبارزه لرینه سببیت ویرن «حقوق حکومت» ی یکدیگرینه اتباع ایده بیلیمک
ایچون هانکی اساسه استناد اولنه بیلور؟ بونجه قوای متضاده ن حاز و مختلف
الاجناس برهیتی متحد بولندرمق ایچون نه کبی بر اساس لازمدر؟ سؤاللری ده
وارددر .

تجزی نظریه سی وقایع متحققه اوزرینه مبتتیدر . بونلری کوشه نیسانده
براققدن توقی ایتلی ، حقیقتک هیچ بر قسمی کتم اولناملیدر . بوقایبی تعداد
ایتدکن صکره اولنره بر معنای غیر صحیح ویریلوب ویرلیدیکنی ، ویا درجه
شموللری اعظام اولنوب اولندیغنی و دیگر بعض احوال مهمه نک نظردن دور
طوتیلوب طوتلمدیغنی تدقیق ایده جکز .

آوستریا و مجارستان الکاسی یکدیگرینه بلا سبب ملتحق برطاقم اراضیدن
مترکب اولماق اوزره تصریف و توصیف اولونیور . بواراضی شونلردر: طونه

حوضه وسیعتری؛ الب ، ویستول ، دنیستر و آلتای نهرلرینک اقسام علیاسی ؛ اودر ، و پروت منبعلریله آلب طاغلرینک بر قسمی ، المانیانک قسم شرقیسی ؛ قاریات طاغلرینک بر قسم متفرقی ، اوروپانک ساحه شرقیه سندن بریاوچه اولان غالیچیا ساحهسی ، وایری بر قیطعه اولان مجارستان ، بالقانلردن مفرز بریاوچهسی اولان بوسنه وادیسی ، وبتون آدریاتیک سواحلی .

بواراضیده غایت متنوع برطاقم ملل واقوام ساکنندر .

« اوستریا و مجارستان بر ملت دکل ، بر مجموعه اقوامدر »

فی الحقیقه ۱۹۰۱ سنه سنده نشر ایدیلن رسمی استاتستیکلره کوره [۱]
بوسنه وهرسک داخل اولدینی حالده اوستریانک ۴۸ ملیونه بالغ اولان سکنه
عمومیهسی میاننده ۶۰۵,۰۰۰ اسلاو ، ۱۱,۷۳۰,۰۰۰ المان ، ۸,۶۱۰,۰۰۰
مجار ، ۳,۰۲۰,۰۰۰ اولاخ ، ۸۰۰,۰۰۰ ایتالیان موجوددر شوقه سرکه «اسلاو»
کلهسی بر هیئت قومیه دکل برطاقم ملتلك هیئت مجموعهسی معناسنده در اوستریا
و مجارستان اسلاولری تسنیف آتی وجهله بش واییدی قسمه
منقسمدر : ۷,۹۲۰,۰۰۰ چه و سلووهن ، ۴,۲۳۰,۰۰۰ لهلی (پولونه)
۳,۹۳۰,۰۰۰ روتن ، ۱,۲۷۵,۰۰۰ سلووهن ، ۵,۲۵۰,۰۰۰ خروات —
صرب . (دوام اولنه جقدردر)
محمد صالح

اجمال داخلی

مجلس میمونداده : - اجنبی غزته لرینه دائر مذاکره - موسوی وطنداشلرمن -
یوهفتهکی دوللو دعوتلری - سنت دوکوتی - دیره وقعهسی - آیدین والیسی فرید پاشا
۱۷ مارت ۱۳۲۵ استانبول

بکن پنجشنبه کونی معهود یونانی هذیانامه لرك عناصر عثمانیه آرهنده القای
فساد یوللو اشریات مضره لرندن طولانی حقارنده حکومتجه صلاحیت قانونیه
دآره سنده معامله ایدلمسنی طلب ضمننده سلطان احمدده عقد ایدیلان متینغ مقرراتی
حکومتجه نظر دقت واهمیه آنه رق بوبابده اعطا ایلدکلی ورقه بر جوق
[۱] تکلم ایدیلن لسانه نظراً ترتیب اولنان اوستریا استاتستیکلری المانلر لهنده
واسلاولر علیهنده تحریف ایدلش کی کوروئیور .